

SCRIPT OF MORNING GOJRI NEWS BULLETIN 2SEP 2026

1015HRS

مارنگ گجری نیوز بولیٹن 2 ستمبر 2026

یوہ آکاشوانی جموں ہے عبدالرحمان تیں خبر سُنو۔

LG SECURITY REVIEW

لیفٹیننٹ گورنر منوج سنہا نے جموں کشمیر غی حفاظتی صورتحال تے انسداد دہشت گردی غی کاروائیاں غو جائیزو لین واسطے ایک اعلیٰ سطحی میٹنگ غی صدارت کی۔ انہاں نے حفاظتی ایجنسیاں نانہہ ہدایت دتی جے دہشت گرد نیٹ ورکس ور مسلسل دبائو برقرار رکھیو جے تے ابھرتا واہ خطرات غا خاتمہ واسطے کاروائیاں مانہہ مزید تیزی آنی جے۔ لیفٹیننٹ گورنر نے عوامی شکایات غا فوری ازالہ تے اُن سنگ نمڑن مانہہ شفافیت ور وی زور دتو۔ انہاں نے حفاظتی فورسز نانہہ ہدایت دتی جے دہشت گرداں تے اُن گانیٹ ورکس غے خلاف کاروائیاں نانہہ مزید موثر بنایو جے۔ انہاں نے سائبر خطرات ، سماجی ذرائع ابلاغ ، غلط معلومات پھیلان تے اُن آلا ڈران تمہکان ور نظر رکھن غی وی ہدایت دتی۔ جد کہ حفاظتی ایجنسیاں غے بشکار بہتر رابطہ کاری ور وی زور دتو۔ لیفٹیننٹ گورنر ہوراں نے منشیات غی تسکری کرن آلا غے خلاف حفاظتی دستاں غا رول غی تعریف کرتا واں منشیات تسکری غا نیٹ ورک غے خلاف مزید سخت اپریشن ور زور دتو۔

JKLA PAPERLESS

جموں کشمیر قانون ساز اسمبلی 21 ستمبر تیں شروع ہون آلا آئیندہ اسمبلی اجلاس واسطے کاغز تیں بغیر غو نظام اپناوے غی۔ آکاشوانی جموں غا ناما نگار غی طرفوں دسیو گیو بے جے محکمہ قانون انصاف تے پارلیمانی امور غی طرفوں جاری سرکلر غے مطابق تمام قانون سازی غے متعلق امور ہون نیشنل ودھان کمپلیکس نیوا غے ذریعے انجام دتا جیں غا۔ جہیڑو قانون سازی گا کم واسطے ایک ڈیجیٹل پلیٹ فارم بے سرکلر مانہہ تمام محکماں نانہہ ہدایت دتی گئی بے جے وے نیوا پورٹل غے ذریعے سوالات یقین دہانیاں تے دوجا دستاویزات گا جوابات باقاعدگی سنگ اپ لوڈ کریں تے جمع کراویں۔ تمام محکماں نانہہ کہیو گیو بے جے وے پورٹل تک رسائی حاصل کریں تے بل ترامیم سوالاں غا جواب یقین دہانیاں تے دوجا دستاویزات نیوا غے ذریعے جمع کراویں۔

CANCER TREATMENT

جموں کشمیر حکومت نے کینسر علاج و انتظامیہ فنڈ شروع کیو ہے جس غو مقصد کہٹ آمدنی آلا کینسر غا مریضاں ور مالی بوجھ کہٹ کرنو ہے۔ وزیر اعلیٰ عمر عبداللہ غی سربراہی آلی انتظامیہ نے سالانہ خاندانی آمدنی غی اہلیت غی حد 2 لکھ 40 ہزار روپیاں تیں بدھا غے 4 لکھ روپیہ کردتی ہے۔ نظر ثانی شدہ سکیم غے تحت سالانہ آمدنی 3 لکھ روپیہ تک رکھن آلا خانداناں نانہہ 75 ہزار روپیہ جد کہ 3 تیں 4 لکھ روپیہ سالانہ آمدنی آلا خانداناں نانہہ 50 ہزار روپیاں تک مالی امداد فراہم کی جے غی۔ مریض آیوشمان بھارت ، پی ایم جے اے وائی، صحت سکیم سنگ

منسلک اسپتالوں میں علاج حاصل کرسکیں تے امدادی رقم ڈی بی ٹی غے ذریعے
برائے راست مستفید غا بینک کھاتاں مانہ منتقل کی جے غی۔

JK SELF ENUMERATION

جموں کشمیر نے برف سنگ ٹھکی وی ریاستاں تے مرکزی زیر انتظام علاقوں مانہ
خود شماری غا حوالہ سنگ سیقت حاصل کرلی ہے تے مردم شماری 2027 غا
ستمبر غا شیڈیول غے تحت سبت تیں متی تعداد مانہ اندراجات ریکارڈ کیا ہیں
چیف پرنسپل مردم شماری آفیسر امت شرما نے یاہ گل کل ادھمپور غا دودو تے
بسنت گڑھ غا برف سنگ ٹھکیا واہ علاقوں مانہ آبادی غی گنتی گا دوجا مرحلہ
غو آغاز کرتا واں کہی۔ انہاں نے کہیو جے 17 تیں 31 اگست غے دوران جموں کشمیر
مانہ خود شماری گا 9 ہزار 672 اندراجات موصول ہوا جد کہ لداخ مانہ 527
اندراجات درج کیا گیا جس سنگ مجموعی تعداد 10199 کہراں تک پض گئی ہے
بُن جموں کشمیر گا تمام 16 ضلعوں تے لداخ یوٹی مانہ آبادی غی گنتی کی جے
غی۔ علاقائی شماری مکمل ہون غے بعد پہلی تیں 5 اکتوبر توڑی نظر ثانی گو مرحلو
منعقد کیو جے گو جس مانہ مردم شماری غو جائیزو لین غے نال نال اہل تبدیلیاں
نانہ وی شامل کیو جے غو۔

DIV COM ROAD PROJECTS

جموں گا صوبائی کمشنر رامیش کمار نے جموں صوبہ مانہ این ایچ اے آئی، این
ایچ آئی ڈی سی ایل بیکن سمپرک تے پی ایم جی ایس وائی غے تحت جاری
سڑک رابطہ کاری گا پروجیکٹاں غی پیش رفت غو جائیزو لیو انہاں نے متعلقہ عمل
آور ایجنسیاں نانہ ہدایت دتی کہ سرنگاں چار پالی سڑکاں تے پُلاں غا کم مانہ
تیزی آئی جے تے مقررہ وقت غی سختی سنگ پابندی کی جے دیکھ بھال ور زور
دیتا واں انہاں نے خراب سڑکاں تے خطراں غا مقامات غی فوری مرمت غے نال
نال مناسب حفاظتی اقدامات کرن غی ہدایت دتی۔ انہاں نے افسراں نانہ رابطہ کاری
غے ذریعے معاوضہ گا معاملات حل کرن تے دوجی رُکاوٹاں نانہ دور کرن غی
ہدایت کی۔

PROG ANN

آکاشوانی جموں گو علاقائی خبراں آلو شعبو، قومی غزائیت ہفتہ گا موقع ور اج یعنی
2 ستمبر نانہ تہاڑی غا 12 بج غے 30 منٹ ور، 30 منٹاں ور مبنی ایک خصوصی
مباحثہ ور پروگرام نشر کرے غو۔ اس خصوصی پروگرام غو موضوع وے غو،
زندگی واسطے اچھی غذا، متوازن خوراک تیں بہتر صحت توڑی۔ اس خصوصی
پروگرام مانہ مارا مہمان وین گا ، جموں کشمیر گا معروف ماہر غزائیت وکرم
سپہروال، جھپڑا پروگرام غا موضوع ور اپنی قیمتی رائے تے ماہرانہ رائے سانجہ
کریں گا تے پروگرام غی میزبانی کریں گا مارا انکر ، وجے بجاج۔

WEATHER

جموں کشمیر مانہ جولائی تے اگست غا مہیناں مانہ معمول تیں 6 فی صد زیادہ
بارش درج کی گئی۔ محکمہ موسمیات نے پیش گوئی کی ہے کہ آئندہ چند دنوں

غے دوران جموں کشمیر مانہ موسم عمومی طور ور گرم تے ہوا مانہ زیادہ
نمی رہن غا امکان ہیں خاص کر جموں شہر مانہ پاری بارش غی پیشن گوئی
کی گئی ہے۔ اج تیں 10 ستمبر توڑی گجھ مقامات ور بارش غی پیشن گوئی کی
گئی ہے۔ محکمہ موسمیات نے اس دوران وقفہ وقفہ تیں بارش تے گجھ ایک وقت
غے دوران تیز بارش غی پیشن گوئی وی کی ہے۔
